



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt LXIX. Versvtia Et Calliditas Deo odiosa.

urn:nbn:de:hbz:466:1-42349

CAPVT LXIX.

VERSVTIA ET CALLIDITAS DEO
odiosa.

§. **H**Oc vsitatum quidem multis, sed immane sce-
lus vt abhorreant, ejus turpitudinem & mali-
gnitatem attendant, nam i. inuisum planè & odiosum est
Deo: quia summæ veritati, simplicitati ac caritati, ma-
ximè contrarium Iob. 13. versicul. 16. Ipse erit Saluator
meus, non enim veniet in conspectu eius omnis hypocrita. Ta-
lem non dignatur Deus, vt benignè faciat, respicere.
Iob. 27. v. 8. 9. Quæ est enim spes hypocrita, si auerapiat, &
non liberet Deus animam eius? Nunquid Deus audiet clamo-
rem eius, cum venerit super eum angustia? In spiritalibus &
temporalibus miseriis ejusmodi hominem derelin-
quit Deus. Iob. 36. v. 13. Simulatores & callidi prouocant
iram Dei. Prouerb. 3. v. 32. Ipse deludet illusores & mansuetus
dabit gratiam. Prouerb. 8. v. 13. Arrogantiam & superbiam
& viam prauam & os bilingue detestor. Sap. 1. vers. 5. Spiritus
sanctus disciplina effugiet fictum.

*Simulata
pietas du-
plex ini-
quitas.*

§. 2. Hoc simulationis peccatum cum in cæteris
negotiis omnibus tum maximè in suo cultu & obse-
quio displicet Deo, & pinde potissimum cauendum
Ecclesiasticis, Eccl. 8. v. 10. Vidi impios sepultos, qui etiam
cum adhuc viuerent, in loco sancto erant & laudabantur in ci-
uitate quasi iustorum operum. Sed & hoc vanitas, Eccles. 1.
v. 36. Ne sis incredibilis timori Domini & ne accesseris ad il-
lum duplici corde. Hoc est, Ne sis immorigerus iis, quæ
Dei timor suggerit, & hinc neq; diffidas Deo, ab eo in
difficultatibus liberandus, verum hoc ex animo præ-
standum, & non externa tantum specie quasi Domi-
nis seruias duobus, & quidem à se dissidentibus. Se-
quitur ver. 37. Ne fueris hypocrita in conspectu hominum, &

non scandalizetis in labiis tuis. ver. 38. Attende in illis ne forte *Abditā si-*
 cadas, & adducas animā tuā in honorationem. v. 39. Et reuelet *mulatoris*
 Deus absconsa tua, & in medio Synagoga elidat te. versic. 40. *nequitiam*
 Quoniam accessisti malignē ad Dominum & cor tuum plenum *patefacit*
 est dolo & fallacia. Id est, Ne simulatione pietatis homi-
 num te commendes sermonibus, vt ab ijs religiosus
 habere, & ne te ipsum prædicando, vel mente à Deo
 & voluntate auersa precando, ruinā, & peccati tibi
 causa existas ac dedecoris, dum Deus simulationis pal-
 lio te cta vitia manifestat, & nūc & extremo mundi die
 de talis existimationis gradu corā omnib. deturber te,
 idcirco quod nequiter & fallaciter religionem præ te
 tulisti & non ex animo coluisti. Isa. 29. vers. 13. & dixit
 Dominus: Eo quod appropinquat populus iste ore suo & labiis
 suis glorificat me, cor autem eius longē est à me, & timuerunt
 me mandato hominum & doctrinis. Ideo ecce ego addam, vt
 admirationem faciam populo huic (70. transferam eos, id
 est, toto orbe dispergam ait S. Hieron.) miraculo grandi
 & stupendo, peribit enim sapientia à sapientibus, & intellectus
 prudentium eius abscondetur. Quot tales Ecclesiastici vel
 sedib. suis exterminati sunt, vel in summā improbitatis
 & hæreseos vefāniam prolapsi? Tales pietatis simula-
 tores toto iterum cap. 58. apud Isaiam coarguit Domi-
 nus, vt & Malach. 1. v. 14. Istud adūbratæ & non so-
 lidæ sanctitatis in Scribis & Phariseis figmentum cre-
 ber & acer exagitat & suggillat Dei Filius Christus Do-
 minus Matth. 6. v. 1. vsque ad 19. Matth. 23. v. 5. Omnia
 opera sua faciunt, vt videantur ab hominibus, & toto illo ca-
 pite Marci. 12. v. 40. Qui deuorant domos viduarum sub ob-
 tentu proluxæ orationis, hi accipient proluxius iudiciū. Luc. 16.
 v. 15. Vosestis, qui iustificatis vos coram hominibus, Deus
 autem nouit corda vestra: quia quod homini-
 bus altum est, abominatio est
 ante Deum.